

**Zeitschrift:** Der Geschichtsfreund : Mitteilungen des Historischen Vereins  
Zentralschweiz

**Herausgeber:** Historischer Verein Zentralschweiz

**Band:** 10 (1854)

**Artikel:** Johannes von Schwanden, Abt in Einsiedeln, und seine Zeit : besungen  
von Meister Rudolph von Randegg

**Autor:** Morel, Gallus

**Kapitel:** Liber IV, De invasione Loci et Captivitate Patrum et Subditorum  
Monasterii a Suitensibus facta

**DOI:** <https://doi.org/10.5169/seals-110724>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 07.01.2026

**ETH-Bibliothek Zürich, E-Periodica, <https://www.e-periodica.ch>**

## LIBER IV.

**De invasione Loci et Captivitate Patrum  
et Subditorum Monasterii à Suitensibus  
facta.**

## §. 1.

- 1 Natales Domini Revolutio præbuit anni  
 Cunctis, catholicam qui didicere fidem. <sup>1)</sup>  
 Hic Domini festum solempne colit Chorus iste  
 Dulcibus Organicis cantibus atque modis. <sup>2)</sup>
- 5 Cum majore minor contendunt pandere voces  
 Certatim, voci parcere nullus amat.  
 Concinnum jubilum decorat concordia vocum,  
 Atque relativus ordo canoris adest:  
 Perdocte pausat quisquis cantando, legendo,
- 10 Quid legat aut cantet, cuilibet ordo refert.  
 Missa, Processio per celebrem cantum recitatur, <sup>3)</sup>  
 Ac horæ reliquæ, quas sacer ordo probat.  
 Pauca quies nobis nocturnis sive diurnis  
 Horis, sed Domino gloria crebro datur.
- 15 Mens vigil ad cultum remanet, cum facta dehiscunt;  
 Supplet mens cupida, quod minus actus habet.  
 Lætabundus inennarabiliter Chorus iste  
 Perficit hoc festum, gaudia magna tenens. <sup>4)</sup>  
 Expirat festum, discedunt gaudia nostra,

---

1) Natales Domini sind hier die Weihnachtsfeste, von Weihnacht bis Epiphanie oder die s. g. zwölf Tage gemeint.

2) Es bleibt noch zweifelhaft, ob unter dem organicis wirkliche Orgeln zu verstehen seien.

3) In ältern Zeiten war weit öfter als jetzt die Processio mit der Missa verbunden, wie sich aus alten Kirchenordnungen und Statuten genugsam ergibt.

4) Ein Jahrhundert später klagt Hemmerli über vernachlässigten Gottesdienst und Chorgesang in Einsiedeln, trägt aber dabei offenbar die Farben zu stark auf.

- 20        Organa desistunt, et lyra nostra tacet.  
           Anni curriculum advexerat Epiphaniam,  
           Quæ dicti festi terminus esse datur.  
 Limitat hoc festum, sepelit quoque gaudia nostra,  
           Nam cessante die nox lacymosa subit.

## §. 2.

- 25    Fertilis est vallis, cœlo suavis, generosa  
           Plantis, jocunda flumine, <sup>1)</sup> lacte fluens:  
 Huic Schwitz est nomen, hæc undique cingitur altis  
           Montibus et lacubus, nec sibi strata patet.  
 Nobilis est tellus, ignobilis incola, fida  
 30        Est humus, infidus incola, fraude satur. <sup>2)</sup>  
 Hæc gens rege caret et lege, sed ad libitum fert,  
           More Tyrannorum, quæ sibi facta placent.  
 Hanc Sathan adversans circumvolat, ingerit iras  
           Immeritas, grande suadet inire nefas;  
 35    Gensque diabolica, sic inflammata furore,  
           Turget, et inde scelus cogitat, atque patrat. <sup>3)</sup>

## §. 3.

- Cunctis Epiphania fidelibus est veneranda, <sup>4)</sup>  
           A Dominoque petunt perpete pace frui.  
 Huic genti tamen ista dies sacra spernitur, ipsa  
 40        Nam sese citat, ac in mala facta tumet  
 Minat in unum se gens et mala multa minatur,  
           Nititur et fraude rumpere pacis opes.  
 Consilium durat ad noctem solis ab ortu,  
           Qualiter hoc claustrum dilapidare velint.  
 45    Attamen in longum sententia ventilat ista,  
           Nam quidam cupiit hoc revocare scelus,

---

<sup>1)</sup> Die Muota. Auch generisch zu erklären.

<sup>2)</sup> Auch von Schwyz geht die Sage, in alter Zeit sei das Land fruchtbarer als jetzt gewesen, und man habe am Abhang des Hafens so viel Korn gepflanzt, daß es auf den Markt nach Lucern versührt werden konnte.

<sup>3)</sup> Bei diesen und den meisten folgenden §§ schweigt der alte Commentar, und bemerkt gewöhnlich nur: *textus patet*, oder: *solum verba textus*.

<sup>4)</sup> Hier beginnt die Geschichte des nächtlichen Ueberfalls.

- Ut tam præcelsa non irruerent violenter,  
 Quæ manus angelica templa sacrata dedit. <sup>1)</sup>  
 Demonis at servus, quem nunc non nomino, statim  
 50 Postes observat, obstat et ista refert:  
 Nequaquam patimur quod consilium retrahatur,  
 Quod tam prudentes edocuere simul:  
 Unde tace, ne te feriat vindicta, nec obstes,  
 Nec foveas, quos nos jure perire damus;  
 55 Quod si volueris nobis contrarius esse,  
 Diceris et cives perdere velle tuos.  
 Hoc intellecto sic obmutuit probus iste,  
 Ausus nec fuerat quid super ista loqui.  
 Sic bonus opprimitur, malus exaltatur, et æqua  
 60 Res coram reprobis labitur, aret, abit;  
 Cum nocuis justus marcescit, floret iniquus,  
 Atque lupi causa stat, sed oberrat ovis.  
 Tandem decretum fuerat, nullo retrahente,  
 Ut furtim dicta Claustra subire velint.  
 65 Sed ne muniret nos quis de clade propinqua,  
 Obstruitur via quæ ducit ad ista loca,  
 Præceptumque volat, totius ut incola vallis  
 Deferat ad bellum quilibet arma sua.  
 Gens vocat ista suos equites, pedites simul omnes,  
 70 Conglomerat vires, aggrediturque viam.  
 Gens hæc partitur tres in turmas, tribus ut nos  
 Partibus obstipent, ne quis abire queat.

## §. 4.

- Sol abiit, fulgent sed cœtera sidera cœli.  
 Armis induitur ad mala prompta cohors.  
 75 Hi properant; rapimur sompno nil tale timentes;  
 Grata tamen sompni fit cito rupta quies.  
 Circiter intempestum gens prope venerat ad nos,  
 Observatque vias, quas vehit ista domus.  
 Campanam tangit residens ædilis in arce,

---

<sup>1)</sup> Übermalige Sündentung auf die Engelweihe.

- 80 Et sonus hic ovibus monstrat adesse lupos.  
 Nec mora, tota cohors præceps circumvenit ædem,  
 Ut nullus nostrum possit habere fugam.  
 Avolat a nobis somnus, timor ipse medullas  
 Occupat, ac artus concutit, ossa tremunt;
- 85 Mens stupet, horremus omnes, nullus scit ubi sit,  
 Nulli, quid faciat quidve relinquat, adest.  
 Errant actus, est animus tamen omnibus unus,  
 Scilicet a lecto surgere quisquis amat.
- 90 Surgimus, et tunicas, alias vestes quoque nullus  
 Invenit, hic cappam fert, aliusque caret;  
 In manibus sotular <sup>1)</sup> huic est, huic est femorale,  
 Hic caret ambobus, alter utrumque tenet:  
 Cingulus hunc cingit, hic est discinctus, et alter
- 95 Velamen capitis non habet, alter habet. <sup>2)</sup>  
 Membra tremiscunt, corpora febricitant, titubat pes,  
 Nec certum possunt sistere crura gradum.  
 Præcipiti cursu, gradibus nutantibus, amens  
 A camera quisquis perstupefactus abit.
- 100 Confugimus, quoque diffugimus, periit fuga nostra,  
 Quisquis amat fugere, quisque latere cupit.  
 Nec latitare potest quisquam, fuga nec patet ulli,  
 Attamen arta loca quærere quisque parat.  
 Deserimus et cameras et dormitoria, cellas,
- 105 Inque Monasterium fit fuga nostra prior:  
 Lectisternia, vestes, libri, cœtera quoque  
 Nobis concessa cuncta relicta jacent.  
 Maximus est namque nobis timor, ut perimamur;  
 Sic ut servemus corpora, cuncta putrent.
- 110 Attamen est spes nobis quod capiant violenter  
 Armatis manibus nulla sacrata loca:  
 Nos tamen hæc fallit spes, sit licet ipsa tenenda,

---

<sup>1)</sup> Sotular, dieses Wort, das noch einmal vorkömmt, bedeutet eine Art Sommerschuhe der Mönche für die Nachtzeit. Gewöhnlich hießen sie subtalares, d. i. unter den Sohlen. (Ducange glossar.)

<sup>2)</sup> Die Kapuze. Es scheint aus dieser Stelle, daß sie damals noch vom Scapulare getrennt war, wie dies jetzt noch in mehreren Ländern üblich ist.

Et sit in extremis omnibus apta comes.

- Jo. Regünsperg et Ruo. Wunenburg senio nos  
115 Linquentes nostram non tenuere fugam.

§. 5.

- Jo. Regünsperg de claustro fugiendo, phalanges  
Hostiles intrat simplicitate sua;  
Qui statim per eas deprensus vincitur, imo  
Vincitur, pateat ut sibi nulla fuga.  
120 Rector et Ecclesiæ, cui nomen fertur adesse  
Ethiswile, dehinc talia vincla subit. <sup>1)</sup>  
Ast harum princeps hunc postquam novit, eundem  
Præcipit absolvi: solvitur ergo cito.  
Cuon. Bunburg cantor, Ruo. Winunburg, seniorque  
125 Coniunctim latitant, scrobs et utrumque tenet.  
Frigore concutiunt hi dentes, atque medullas,  
Pertundit timor his, sic ab utroque tremunt.  
Sed tamen interdum timor extorquet sibi guttas  
Sudoris, quamvis occupet alior eos:  
130 Visus enim fuerit circa se sæpius hostis,  
Nec tamen in fovea viderat hostis eos.  
Nam tegit hos umbra latitantes noctis opacæ,  
Cujus opem poscit qui latitare cupit.  
Interea splendens erexit cornua luna,  
135 Lux sit grata licet, his inimica datur.  
Circa se nullus tunc his apparuit hostis,  
Winunburg suadet, Cuon. retrahitque fugam;  
Winunburg, quoniam levis est, Cantor gravis annis,  
Hinc disconveniunt mente fugaque simul.  
140 Cum videt opportunum Winunburg sibi tempus,  
Prosilit a fovea, Cantor at hæret ibi.  
Aedis quam coluit cito quam retro sibi valvam  
Pandit et intrat ibi se statuisse putans:  
Introitu primo quamplures videt in armis,

1) Ettiswil, im Kanton Lucern, stand damals schon seit langer Zeit in mancher Berührung mit Einsiedeln, das daselbst nebst dem Kirchensatz auch viele Güter und Rechtssamen besaß.

- 145 Quos hic nostrates credidit esse viros:  
 Fallitur hic, hi namque cito manibus violenter  
 Injectis rapiunt, firmiter huncque tenent;  
 Sic cadit in laqueos ubi præsidium putat esse,  
 Inque domo propria non honor ullus ei.
- 150 Ducitur et post hoc ad dormitoria nostra,  
 Quo cum venisset janua clausa fuit:  
 Nos intro stetimus, audivimus hunc fore vinclis  
 Addictum, fugimus, spargimur absque modo;  
 Ast ejus frater Winunburg junior hæsit
- 155 Exterior, donec clave reclusit eis.  
 Interior quod cum vidisset, fratre relicto,  
 Nos gressu sequitur prepete, moxque fugit.  
 Diffugium retinent B. Custos, atque Johannes  
 Hasunburg, inde connumeratur eis.
- 160 H. Winunburg, Cun. Geskon, Thuringus, at inde  
 Attinghusen, et hinc Ruo. ego jungor eis.  
 Post hoc ædituus Eschüntz Eberhardus hic extat, <sup>1)</sup>  
 Audax ac magnus corpore, corde, manu.  
 Turris ubi pendent campanæ Cænobij stat,
- 165 Suscipit hic nostram fortis et alta fugam.

## §. 6.

- Principis ex alia stat curia parte locata, <sup>2)</sup>  
 Hanc colit ejusdem jure minister heri:  
 Clericus hic sapiens est, prudens, est venerandus,  
 Sobrius ac humilis, mente manumque pius;
- 170 Omnibus est habilis, placidus, discretus et aptus,  
 In sibi commissis sollicitus que manet,  
 Providus in cunctis; huic est industria tanta,  
 Quod sibi dictus herus subdidit ista loca.  
 Colligit iste tributa loci nostri, tribuitque

<sup>1)</sup> Von Eichenz im Thurgau gilt das gleiche, was eben von Ettiöwil gesagt wurde.

<sup>2)</sup> Noch jetzt heißt die Abteiwohnung der Hof, curia. Damals war der Abt in Pfeffikon, und sein Minister oder Verwalter besorgte die Geschäfte in Einsiedeln, welche hier des Nähern bezeichnet sind; d. h. er bezog die Gesfälle, leitete und regelte die Ausgaben, und entschied in streitigen Fällen.

- 175      Largus abundanter quos alit ista domus.  
 Sub perpendiculo præbendas dividit omnes,  
 Aequa lance suum sumere cuique datur.  
 Et factus iudex hic iudicat omnibus æque,  
 Quod sententia dat, hic sibi quisque tenet.
- 180      Omnia quæ clero sunt apta gerit, laicisque,  
 Sicque decorem dat utraque vita sibi.  
 Iste minister nostræ cladis non fuit expers,  
 Huic requiem nocte curia dicta dabat.  
 Huic ut percipitur campanæ clangor, ad arma
- 185      Prosilit, induitur, scire, quid id sit, amat;  
 Affuerat casu secum frater suus: ille  
 Sumit quadrupedem poste, trahitque seram,  
 Ac aperit portam, præssivo more, repente  
 Ingens turba ruit, intrat eumque capit.
- 190      Hic autem sese comitis famulum fore dixit  
 Habsburgensis, et hinc mittitur ille cito. <sup>1)</sup>

## §. 7.

- Ipsè minister porro gradum sibi sistere quærens,  
 Cooperat ad statum vertere terga sua.  
 Et manibus capulum rapit, eximit insimul ensem
- 195      Ictibus et validis pellere temptat eos.  
 Quod vanum fuerat, hunc nam, si straverit hostes,  
 Nemo manum præbet huic, quia solus adest.  
 Illico balistam <sup>2)</sup> torquens in eum violenter  
 Intento telo venit et ista refert:
- 200      Da gladium, teque captivum da, quia solus  
 Non potes obstare nos, quia turma sumus;  
 Quod si tardabis, jaculo tua viscera in ima  
 Perfodiam: caveas si velis ergo tibi.  
 Ipse minister ad hoc respondit: si poteris me

<sup>1)</sup> Der Umstand, daß der Gefangne sogleich frei wird, da man in ihm einen Habsburgischen Dienstmann erkennt, zeigt, wie sehr dies Haus in Schwyz gefürchtet oder geachtet war.

<sup>2)</sup> Was wohl der Dichter hier unter Balista verstehen mag? Wahrscheinlich eine Armbrust, wie aus dem folgenden tento telo und dem jaculo zu schliessen ist.



- 205       Sanum servare, fit velut ipse cupis.  
 Hic dixit, possum; quando mihi filia nupsit  
           Nostri ductoris, inde potenter ago.  
 Hic verbis fidens his ensem dat, tamen ille  
           Hunc post se linquit, nec sibi monstrat opem.
- 210       Quo fugis? hic clamat, sic verba vacant tua vero?  
           Sic in te reprobo claudicat ipsa fides?  
 Non probus es, nec te probitas decorat: tamen ille  
           Non animadvertit hæc, sed abinde ruit.  
 Ast alter rapit hunc, nudat, sua tollit et arma
- 215       Ad stratam ducit, ut sedeatque jubet:  
 Nam juxta stratam, qua porta patet, datur olim  
           Arboris in trunco sessio structa fore.  
 Tunc rogos est factus ibi, quo sumpsere calorem;  
           Hic etiam cartas, quas rapuere, cremant:
- 220       Instrumenta putant sic omnia perdere Claustri,  
           Securo Pater ast tradidit ipsa loco. <sup>1)</sup>

## §. 8.

- Interea valida simul agmina plura rotantur,  
 Impugnantque domos, intrat ovile lupus.  
 Nemo resistit eis, non est qui liberet, aut qui
- 225       Pro nobis pugnet — nemo resistit eis.  
 Ad cameras, cellas, ad dormitoria claves  
           Non poscunt, pandunt sed sine clave foras.  
 Non est clausura tam fortis, janua non est,  
           Quæ queat obstare, pessula nulla valet.
- 230       Fit fragor et strepitus, cistas, armaria nostra  
           Laxant, scrutantur nostra secreta loca.  
 Libros et vestes et lectisternia nostra  
           Tollunt, ac alia, de quibus usus adest.  
 Diffundunt cuncta, quæ nos collegimus, et quiis

---

<sup>1)</sup> Es ist begreiflich, daß man bei dem oberschwebenden Streite vor allem die Rechtstitel zu zerstören suchte, welche aber der Abt in Sicherheit gebracht hatte. Wie sehr ist dagegen der Verlust so vieler andern schriftlichen Denkmale zu bedauern. Es ist sich nur zu verwundern, daß das noch Vorhandene gerettet werden konnte.

- 235        Usus paucus adest, sub pede sancta fluunt.  
 Effractis domibus, cameris, cellis quoque nostris,  
       Inde monasterium quisquis inire cupit.  
 Magnis roboribus, simul atque securibus audent  
       Sacra<sup>ti</sup> templi dilaniare fores.
- 240        Viribus impellunt et sanctuaria templi,  
       Ferrati postes cedere dantur eis.  
 Hostia sub pedibus discerpta fluunt, fragor ille  
       Sacrilagus findit nubila, tinnit aër.  
 Post hæc asportant cortinas, vela, tapeta,
- 245        Albas cum cappis, cum casulisque libros. <sup>4)</sup>  
 Præterea quæcunque Sacerdos atque minister  
       Cultibus in sacris debet habere, ferunt.  
 Tollunt aurata plenaria, condecorata  
       Gemmis, candelas, thuribulumque simul.
- 250        Ut narrem breviter, ornamentis spoliatur  
       Omnibus hoc templum, quod sibi nulla manent.  
 Est, heu! plangendum, moerendum sive dolendum,  
       Et tam sacrilega promere facta pudet.  
 Horum corda malis sunt indurata nefandis,
- 255        Quod neque factorem, se neque scire volunt.  
 Parvis criminibus piget hos instare, sed alta,  
       Nituntur scelera concumulare sibi.  
 Hi tollunt aris pallas, altaria nudant,  
       Hineque parant temere majus inire nefas.

## §. 9.

- 260        Altaris summi vellunt de cardine postem;  
       Ferrea lunata lamina poste cadit,  
 Rumpitur et clavi gulfus, dissolvitur omnis  
       Postis junctura, discutiturque sera,  
 Ossaque sanctorum, quæ condita pace fuerunt,
- 265        Et quæ condigne quisque fidelis amat,  
 Pollutis manibus hoc audent irreverenter

---

<sup>4)</sup> Zum viertenmal werden hier die Bücher als Gegenstand des Raubes und der Zerstörung erwähnt, und gleich darauf abermal die mit Gold und Edelsteinen geschmückten *Plenaria*.

- Tangere, de requie spargere, ferre solo.  
 O mala res! o grande malum! miserabilis o res!  
 O res perversa, pernicitate fluens!  
 270 Vulgus iners, pravus populus, plebs et maledicta,  
 Atquè tyrannica gens dissipat ossa pia.  
 Spargit reliquias aditis, pedibus quoque calcat,  
 Inque pavimento sternit et ossa sacra:  
 Quos mors sacra beat, quos cœlica regna coronant,  
 275 Visio perpetuæ quos Deitatis alit.  
 Filius Sathan castigat rursus hos, ut olim,  
 Ossibus intrepide corporibusque suis.  
 Quare vindictam nunc poscunt ossa piorum,  
 Ut quondam sanguis corpore fusus humi.  
 280 Sed Dominus miseret, parcit pietate paterna,  
 Non peccatoris mors, sibi vita placet.

## §. 10.

- Effundunt panem Deus in quo verus homoque  
 Est invisibilis, pyxidas hincque ferunt.  
 Tardius est ortus solito sol, ne scelus illud  
 285 Conspiceret, niveos atque retraxit equos;  
 Nubibus obduxit faciem pulchram sibi luna,  
 Abdunt et vultus sidera quoque suos,  
 Ne tam sacrilegos tam terribilesque prophanos  
 Et reprobos actus intuerentur ibi.  
 290 Tollunt utilitatis quæ sibi sunt alicujus  
 Et linqunt cara nulla scienter ibi.  
 Et quod turpius est, hi perpetrant sibi factum;  
 Sed veluti sunt hæc dicere cuncta pudet.  
 Nam post insanos actus nimium calefacti  
 295 Hi tum plus æquo vinula nostra bibunt,  
 Sic hausto vino statim facti temulenti  
 Fœdant tunc proprio stercore templa Dei;  
 Et jacit urinam quisquis, ventrisque tributum  
 Solvit in ecclesia, nec scit adesse sacra:  
 300 Sic ratione carent, humanus sensus abest eis,  
 Flamma diabolica sed simul urget eos.

Ipsi candelas quibus utebatur ad aras  
Turpiter expendunt in malefacta sua. <sup>1)</sup>

## §. 11.

Ad nostrum cœlum sol præcipit ire jugales,  
305 Cujus lux noctis sidera quæque premit.  
Interea facibus gens hæc ardentibus intrat  
Turrim, quæ nostram ceperat ante fugam.  
Armis hi tuti gradibus tendunt ad inermes.  
Frigida per nostra viscera gutta cadit:  
310 Cor gemit, ossa tremunt, artus nutant, veniæ spes  
Debilis est nobis, fata subire rati.  
Se parat et quisquis nostrum sibi sumere læte  
Lethum pro Christo, verbera cuncta pati  
Ex nostris quosdam confessio mundat, at alter  
315 Perduratus erat sumere quodque malum.  
Hi sic ascendunt, nos desperavimus omnes,  
Quid faciat nescit quisque, quod optat. Adest  
Aedituus noster Eberhardus, ac ammonuit nos  
Dicens: nos turris servat ab hoste fero:  
320 Vos fortes vultis mihi si parere, securi,  
Quam manibus teneo, cæditur hostis iners.  
Iste gradus nulli patet hosti, verbere primo  
Namque ruet primus, primitus inde sequens.  
Aut castraturus hanc tristegam modo solvam,  
325 Ascendat ne quis, si magis ista placent.

## §. 12.

Increpitans hæc verba pius Custos, bone, dixit,  
Nos bellicosi non sumus, ergo tace.

<sup>1)</sup> Hartman hat die in der Kirche verübten Gräucl übergangen, dagegen sind sie von Kopp im Archiv für Kunde österröichischer Geschichtsquellen (Jahrg. 1851. I. Bd. 1. und 2. Heft S. 74.), wenn auch kurz doch im Wesentlichen vollständig erzählt. Wir erinnern, was hierüber in der Einleitung gesagt ist. Daß Bergbewohner überhaupt die einmal erwachten Leidenschaften weniger zu zügeln vermögen als Andere, und daß namentlich die Bewohner der Bergkantone auch später, wie z. B. im alten Zürcherkriege, ähnliche und noch schrecklichere Unthaten verübten, lehrt die Geschichte.

Pro nobis pugnet Dominus, sua sacra voluntas  
 Fiat, nos foveat Omnipotentis apex:  
 330 Si morimur, Domini sumus, et si vivimus, ipse  
 Cum vita mortem dirigit atque secat.  
 Pro nobis passus Jesu est, patiamur in ipso,  
 Qui voluit mortem tollere morte sua.  
 Laus sibi sit, virtus, decor arduus, alta potestas,  
 335 Imperium sit, honor, gloria perpes ei;  
 Ejus Nomen sit benedictum: dicimus Amen!  
 Omnes oramus, ut Deus addat opem.

## §. 13.

Nec mora, stant summis gradibus, per corpora tecti  
 Armis quamplures ante, levantque faces.  
 340 Quos humilis Custos devota voce salutat:  
 Ad quid venistis? dixit, et ista refert:  
 Non nocuit vobis aliquis nostrum, neque damnum  
 Intulimus, quod nos ad mala nostra citet.  
 Ex quibus unus ait: vos sitis corpore tuti,  
 345 Res autem vestras tollere quisque parat.  
 Nos sumus ad Dominum nostrum vi ducere jussi  
 Vos captivatos, vincla subire sua.  
 Dicimus, hoc nichil est, demptis non est dolor ullus,  
 Rebus, si sana corpora nostra manent.  
 350 Descensum cupimus omnes, sed nos prius, ipsi  
 Post; visu lustrant hinc loca quæque suo.  
 Ut lupus insidias ovibus ponit rapiendis,  
 Sic sua circumfert lumina raptor avens.  
 Janua visa fuit claudens laquearia supra,  
 355 Ne minus incautus præcipitetur ibi.  
 Quam postquam videre, putant ibi res reperire.  
 Accurrunt, sed spes hæc sua vana fuit.  
 Tunc Custos monuit ipsos, non reddere quærens  
 Tristia pro tristi, sed pius esse volens.  
 360 Dixit enim: non sunt ibi res, sed gressus ibidem,  
 Debilis est tabula, nullaque firma manus.  
 Ergo sibi quisquam caveat, ne præcipitetur:

Sic inimicorum providet ipse malis.  
 His dictis ad Ruo. Winenburg ducimur ædem,  
 365 Qui cum Regunspurg ante sedebat ibi.

## §. 14.

Ex alia structa stat parte Capella Mariæ,  
 Quæ Dominum peperit, castaque virgo manet.  
 Hæcque Capella Capellanum tenet, iste Johannes  
 Est proprio dictus nomine, dignus eo.  
 370 Flore juventutis hic doctrinam sitit, haurit,  
 Quæ bona Doctoris cuppa propinat ei.  
 Proficit hic tantum, quod sit doctor puerorum,  
 Illis propagat dogmata sumpta prius: <sup>1)</sup>  
 Gratia namque Dei fertur signare Johannes,  
 375 Gratiæque (hæc) Domini semper adhæret ei.  
 Hujus et officij dat sedulitas sibi famam:  
 Presbyteratus hic scandit et ipse gradum.  
 Et quia tam crebra fuit in cura puerorum,  
 Huic digne populi postmodo cura datur.  
 380 Prædicat his Domini sanctum nomen, docet illos  
 Sumere virtutes, relinquere prava jubet;  
 Præmia quanta Deus et qualia donat amanti  
 Se puro corde, dicit et inde sibi.  
 Non solum verbis sed et exemplis docet iste:  
 385 Sic populi duplici dogmate corda fovet.  
 Omnia quæ verbis docet, exemplis probat, ut non  
 Operibus fiat dissona lingua suis.  
 Orat pro populo sibi commisso, Deus illum  
 Salvat, ut his facere det quoque velle suum.  
 390 Justum justicia, sapientia dat sapientem,  
 Fortem dat rigor hunc, dat placidumque modus,

---

1) Wir haben also hier neben dem Magister und Scholasticus Rudolf auch einen Doctor puerorum im Kaplan Johannes. Zum Lohn seiner Verdienste als Lehrer, wurde er zum Pfarrer (Plebanus) oder Seelsorger ernannt, und wir sehen aus der hier folgenden Schilderung seines Wirkens, daß auch damals die Pfarrstellen nicht als bloße Ehren- oder Ruheposten angesehen wurden.

Iste Chorum nostrum jubilis decorat super alta  
 Atque levat, quoniam scit quoque vult que potest.  
 Hic ut percepit hostes instare, Capellam  
 395 Intrat, ibi salvum se fore namque putat.  
 Clauditur et postis claves sacrista removit,  
 Hic solus clausus anxius hæret ibi.  
 Impugnat gemitus, tempestas dira cor ejus,  
 Nemo solatur, nemoque præbet opem;  
 400 Nemo consilium sanum tradit sibi, nemo  
 Ipsius casus sublevat, huncque tenet;  
 Sed manibus Domini sese commendat, et orat  
 Votivis precibus, ut sibi præstet opem.  
 Expansis manibus se prosternit super aram  
 406 Virginis electæ, præsidiumque petit.  
 Flagitat et sanctos omnes, Dominum rogitare  
 Pro se dignentur, hostis ut ira fluat.

## §. 15.

Interea super altari stat aperta fenestra,  
 Per quam prospiciens illico vidit eam  
 410 Turbam, verborum sibi quæ mala multa minatur;  
 Impulsa ferri cuspide dicta tonat:  
 Da nummos, Monache; non sic licet improperando  
 Iste tamen Monachi; nomine pulsat eum;  
 Da nummos, dixit, non audis furcifer, aut da  
 415 Nummos, aut ista cuspide morte cades.  
 Quindenos solidos illi dedit et putat omnes  
 Hæc sedasse, sed hos incitat ipse magis.  
 Cum corvus crocicans reperisse cadavera monstrat  
 Se, tunc corvorum plurima turba venit.  
 420 Sic magis hi quod det instant, sed non habet, illi  
 Non animadvertunt, credere seque negant;  
 Dant probra multa sed is fugit in latebras, Dominoque  
 Inde preces tacita fundere voce studet;  
 Dicens; qui tribulant me quid sunt multiplicati!  
 425 Non est, o Domine! tu nisi, qui det opem.  
 Martyrium tolle, quæso, non martyris, o rex,

Sed Confessoris da mihi morte frui.  
 Interea quærunt hi robore frangere postem  
 Nitentes; Ethiswile sed obstat eis;  
 430 Clavibus allatis aperitur janua, vinclis  
 Concito Plebanus additur ipse gemens.  
 Ducitur hinc ad nos violenter, et ipsa Capella  
 Intactæ matris sic temerata fuit.

## §. 16.

Invento loculo quo Winenburg latitabat  
 435 Junior, quem tunicæ fimbria prodit ibi,  
 Extrahitur, post hoc ad nos quoque ducitur ille:  
 Evasit nullus sic fera vincla sua.  
 Tandem de fovea, compulsus frigore Cantor  
 Bunberg, qua latuit, serpere sponte cupit,  
 440 Intravitque domum, qua nos concedimus; inquit:  
 Si Monachos cupitis illaqueare modo,  
 Præsto sum, nobis sed commoda nulla fero, nam  
 Est mea vita brevis, sum nimis, ecce, senex.  
 Vos, vos, unde precor, misero mihi parcite: cunctis  
 445 Est jocus ac risus, huncque sedere jubent.

## §. 17.

A dextra valle properans fera solis in ortu  
 Turba subest foribus; intrat et ipsa domum.  
 Illa fama cruciata fuit, petit ut satietur,  
 Ac escas tentat poscere; nemo dabat.  
 450 Inflammata per hoc fuit, impugnatque cubile,  
 Quod nos inclusos continet; ira tumet,  
 Dicens: pars æqua de captivis, spoliisque  
 Nobis condigno cedere jure datur;  
 Protinus ergo date res, captivos simul, aut nos  
 455 Ferro, quod ferimus, morte ferimus eos,  
 Sic ut nulla lucra præstent vobis, neque nobis:  
 Res cum captivis protinus ergo date.  
 Stupuimus sic, quod quem sumere quisque parabat  
 In nostro timido constitit ore cibus:



- 460 *Esca namque famis a molibus exonerari*  
*Cæpimus, hostilis quam dedit ipsa manus,*  
*At se custodes ipsis opponere nostri*  
*Nituntur foribus, culter utrisque micat.*  
*Sic lis de raptis oritur, res dissecat illos,*  
465 *Quos contra quosque junxerat una fides.*  
*Nos timor obnubit sic nostra secunda procella,*  
*Altis gurgitibus pectora mergit item.*  
*Nos ut oves pavidas diversarum laniandas*  
*Unguibus ursarum tristia multa premunt.*  
470 *Spectamus finem, spectamus prædominantem;*  
*Cui simus præda, nos dubitamus adhuc.*  
*Jctus perfortes cesserunt exteriores,*  
*Nostri custodes inde trophæa tenent.*

## §. 18.

- Tunc sol est ortus, ad nos cum venerat horum*  
475 *Dux, qui nos secum carpere jussit iter.*  
*Ast Cun. <sup>1)</sup> Cantorem simul Hasunburg quoque solvit*  
*Vinclis; debilis hic nam fuit, ille senex.*  
*Floribus ut raptis melioribus ad sua tecta*  
*Pondere viminea regrediuntur apes,*  
480 *Sic male sana cohors, templo Domini spoliato,*  
*Se parat ad reditum, terga recurvat onus.*  
*Præcipit hinc princeps armatorum, sibi, caute*  
*Ducere captivos et simul omne pecus.*  
*Namque Monasterii captivabant sibi servos, <sup>2)</sup>*  
485 *Prendere quos poterant, res tulerantque suas.*  
*Primaque turba pecus abijt, captosque secunda;*  
*Servos Cenobii, tertia nosque tenet.*

<sup>1)</sup> Konrad von Punburg, der Sânger, und Johannes von Hasenburg, der nachmalige Abt.

<sup>2)</sup> Tschudi dagegen fand für gut zu erzählen: „Es namend och die von Schwiz „kein Roub in dem Kloster“ und „dem Gefind in dem Goghhus thaten sie „kein Leid.“ Der offenbaren Partheilichkeit Tschudis lag gewiß mehr übelverstandene Vaterlandsliebe, als böser Wille zu Grunde.

Orbatæque vires mulieres nubila findunt  
 Planctibus, et lacerant unguibus inde genas.

490 Et gemitus eructant in luctus lacrymosos,  
 Flebilibusque dehinc vocibus ista ferunt:

§. 19.

O Deus omnipotens! inopum defensor et ultor,  
 Non tua terrenus scire secreta potest.

Tu vigilans dormisne? vide temeraria facta,  
 495 Reproba, quæ gens hæc in tua templa tulit!  
 Destructus tuus est cultus, captivus habetur  
 Cultor, et inde nemo ministrat ibi.

Et charis nostris, Deus, ach sponsis spoliasti;  
 Ob quod item gemitus dira procella ferit.

500 Res simul et pecora nobis tolluntur; ab omni  
 Parte dolor cruciat, cordaque nostra fodit.

O rex! quid miseris differs inferre ruinam  
 Interitus? tolle vivere, daque mori,

Ne nos exagitet ululatus continuus, nam  
 505 Gratior est mors quam vita dolore fluens.

Sternit et in terram sic fatas extasis harum  
 Quasdam squallentes ore; decore comis  
 Ejulat ast alia, præceps sequiturque maritum,  
 Dicens: sic tecum cuncta parata pati!

510 Altera sed pueris solatia, quæ sibi desunt,  
 Præbet, et infantes lactea mamma fovet.

Atque manus alia nodosas conglobat, atque  
 Pectora tundit abhinc in lacrymasque ruit.

Altera sed dira probra demens hostibus offert,  
 515 Fæmineos mores explicat atque loquax.  
 Ad cælum multæ clamant: ulciscere, regum  
 Rex! da vindictam, daque perire reos.  
 Ut breviter narrem, mulieris adest furor omnis  
 Et planctus, quibus hæc quosque movere solvent.

§. 20.

520 Ast hostes planctus non flectunt ad pietatem  
 Nec probra, sed spolia ducit avara manus.

- Tuncque prophetavit dicens ex hostibus unus:  
 Reddetur nobis horridus iste dies;  
 Nec solum nobis, successores quoque nostri  
 525 Ex hoc cogentur sumere multa mala.  
 Nam Domini templum, Matrisque suæ sine causa  
 Irruimus temere, quod ratione caret.  
 Ut Deus ex Caiphæ verbis voluit dare vera,  
 Sic vult isto nunc indice vera cani.  
 530 Nam Deus ex reprobris vasis quandoque revelat  
 Alta, quod utatur ad bona facta malis.  
 Hi cæptum peragunt reditum, ducunt quoque rapta;  
 Mugitus magnus fertur in alta boum:  
 Quadrupedum sonat hinnitus, percellit et auras;  
 535 Sic armatorum nubila voce tonant.  
 Alter nos cingit, ducit quo nolumus alter,  
 Suscipit invito nos pede lassa via.  
 Sed cum perventum fuit ad montem per anhelum  
 Debilitat nostros proxima lama pedes.  
 540 Claudicat inde cito pes noster, corda gemiscunt,  
 Contrahitur facies, fletibus ora madent.  
 Longior hinc prior est, breviorque sequens pede versus,  
 More Poetæ, quod claudicat inde metrum.  
 Carmina perfusa lacrimis stant, et maculosa  
 545 Ore metrisantis, quæ cecidere super.  
 Sed lacrymis visis, quidam fuit ad pietatem  
 Motus, et auxilium præbuit inde mihi,  
 In quo sedit equi quoniam me prendere caudam  
 Jussit, ut ascensus fortior esset abhinc. <sup>1)</sup>

## §. 21.

- 550 Monte peragrato sylvam transivimus; inde,  
 Venimus, in quo sunt mœnia structa, loco. <sup>2)</sup>

---

<sup>1)</sup> Wer fühlt hier nicht den köstlichen Humor?

<sup>2)</sup> Der Weg ging sehr wahrscheinlich über den sog. Ragenstrick, und der Ort, wo Mauern standen, ist wohl Rothenturm. Dort war in alter Zeit das

- Raptores ab equis ibi clitellas posuerunt,  
 Et sese quivis exoneravit ibi.  
 Hic requiem sumunt quoniam fessi, simul et nos;  
 555 Ac inibi prædo raptaque præda stetit.  
 Nostri cenobii servi prece vel pretio tunc  
 Et raptore pecus solvere seque student.  
 Consumptis precibus infinitis nihil hostes  
 Ad veniam flectit, res nisi dentur eis.  
 560 Sic nummus solvit, ligat, exorat, negat, urget,  
 Desistit, reprobat, comprobat, horret, amat.  
 Omnia quæ sensus petit humanus, tibi nummus  
 Heu! dat; ob hoc fragiles in mala facta ruunt.  
 Hinc dictos servos regina pecunia solvit,  
 565 Et fixo pacto vincla soluta cadunt.  
 Hi rediere domum gaudenter, in exilium nos,  
 Mæstitia tristes, atque dolore graves.  
 Aptum cum vidit Cun. Göskon tempus, in altos  
 Prosiliit montes; sic capit ipse fugam:  
 570 Transvolat et celeri pede saltus, saxa, nivesque  
 Congestas; dura vincla refugit ita.  
 Principis at jussu reliquos nos ducit in ædem  
*In campo Wernher nomine, corde ferox.* <sup>1)</sup>  
 Cum quo de feria lunæ permansimus usque  
 575 Ad feriam sextam sole ferente diem. <sup>2)</sup>  
 Tunc hora primæ nos princeps præcipit ire  
 Schwyz, quo se comitem spondet adesse simul.  
 Paruimus dictis, ut oportuit, at reverendis  
 Presbyteris in equis, ut decet, ire datur.  
 580 Nos equidem reliqui propriis pedibus gradientes  
 Ocius hoc sequimur, urget ut ipse comes.

---

Thal der Breite nach durch eine Lehm-mauer geschützt, an deren westlichem Ende ebenfalls ein Thurm stand, wie etwa der noch stehende, der dem Rothenthurm seinen Namen gab. In einem Briefe der Landleute von Schwyz vom 25 Brachm. 1310 ist die Rede von einem Moos „geleit an die mur ze altun mata.“ (Kopp „Archiv u. s. w.“ S. 183.)

<sup>1)</sup> Werner im Feld.

<sup>2)</sup> Von Montag bis Freitag, d. i. vom 7 bis 11 Jänners.

- Est sotularibus atque cuculla cum caliendro <sup>1)</sup>  
 Vestitus Custos, ordo quod ipse probat;  
 Huic equus substat crepitam strepa tam spatiosam  
 585 Non bene continuit, nam nimis arcta fuit.  
 Sic Schwiz intramus, vulgus, pueri, mulieres  
 Accurrunt, spectant, ridiculumque movent;  
 Inconsueta fuit ipsis nam visio talis,  
 Quæ sic inculto corpore nigra foret.  
 590 In quam sanior hæc plebs consilium citat, ædem  
 Intramus, noster nam comes instat ita.  
 Hinc ibi conveniunt meliores, ut doceatur,  
 Quis nos includat, compedibusque liget.  
 Tunc rogat, ut præsent nos prandia sumere secum,  
 595 Horum plebanus, vir bonus atque pius.  
 Quod sibi concessum fuerat de principe plebis;  
 Sic nosmet secum duxerat inde domum.  
 Immensaque sua nobis in mensa voluntas  
 Exhibuit laute potibus atque cibus:  
 600 Condolet et nobis, mæstos solatur, et optat  
 Nos cum lætitia mox remeare domum.

## §. 22.

- Advecto sero dux plebis venerat ad nos  
 Cum multis aliis qui comitantur eum;  
 Ad Petri Locholf ædem nos præcipit ire: <sup>2)</sup>  
 605 Omnes stupeimus, nam pietate caret.  
 Inviti quamvis, tamen imus, nam propria nos  
 Non fruimur sponte; corda dolore tument;

---

<sup>1)</sup> Sotular Vgl. oben B. 92. Caliendrum eine Kopfbedeckung der Mönche, eine Art Kappe, von Caleo, les, was den Kopf warm hält. Das zwei Verse später folgende strepa heißt Steigbügel. (Ducange Glossar. med. aevi.)

<sup>2)</sup> Ein Joh. Locholf ist Zeuge in einer Vergabungsurkunde des Klosters in Steina. (Geschftsd. VII. 52.) Dessen Sohn Peter aber wird schon in der Bannbulle Clemens V. von 1309 genannt, und im oft erwähnten Klagrodel wird er angeschuldigt, er sei auf des Gotteshauses Güter zu Rubinen gefahren.

- Ingredimurque domum; nos inde sedere jubemur,  
 Et numerati sumus nomine quisque suo.
- 610 Hinc dixit Petro plebis dux: hos numeratos  
 In tua claustra novem tradimus ecce tibi.  
 Hi sunt Bur. Custos, Ru. Winunburg, seniorque  
 H. de Winunburg, junior inde datur.  
 Jo. de Regünspurg, Attinghusenque Thuringus;  
 615 Post hoc Plebanus H.que minister ad hæc.  
 Hinc me Ru. doctorem puerorum nominat inde,  
 Ultimus ædituus est Eberhardus ibi.  
 Hos ter ternos sic serves, posthac rationem  
 Ut des de quovis: sicque recessit abhinc.
- 620 Extemplo cœnæ fuit hora, cibum tulit hospes;  
 Sed gemitus nobis sunt cibus absque cibo.  
 Pejoresque viris cito post mensam mulieres  
 In nos verborum dira venena serunt.  
 In faciem nostram probra non cessant cumulare,  
 625 Et nos perversos dicere nulla stupet.  
 Vah! dicunt, hi sunt. quorum præscriptio nosmet  
 Injuste damnat, subtrahit atque cibum.  
 Quæ sit nostra fames nunc experiantur et ipsi,  
 Ut digne tangat debita pœna reos.

## §. 23.

- 630 Interea struxit hospes nobis laborinthum  
 In quem nos trusit, clausit et ipse foras.  
 Innocuum nocuus, injustus carcere justum  
 Damnato, honorato commoda tollit iners.  
 Fas premitur, scelus exaltatur, stat dolus, æquum  
 635 Calcatur, florent crimina, jura tacent.  
 Claudit, privat, icit humiles, justos, venerandos,  
 Pravus, iniquus, iners, carcere, luce, probris.  
 Replet amara, patrat perversum quisquis iniquus  
 Semper; sed melius probat, honesta nigrat.
- 640 Nigrat honesta, probat melius, sed semper iniquus  
 Quisquis perversum patrat, amara replet.  
 O Monachi! flete, monachale jugum sera claudit,  
 Nec Benedicti stat regula jure suo.

- Flete Sacerdotes, est carcere namque Sacerdos  
 645 Clausus, et immerito vincula sæva subit.  
 Plangite Diacones, ergastula Diaconatus  
 Ordo subit, Dominum nec celebrare potest  
 Et Subdiacones plangent, quia clausus habetur  
 Nunc Subdiaconus, quem fera vincla premunt.  
 650 Lugeat Acolitus omnisque simul minor Ordo,  
 Clauditur Acolitus carcere namque malo.  
 Plangent Plebani, plebanus carcere vinctus  
 Est, nequit hinc serere verbula sacra Dei.  
 Subditus et lacrimas fundat, quoniam sua corda  
 655 Doctrina solita destituuntur abhinc.  
 Plangent Doctores, quoniam doctor puerorum  
 Occupat, heu! cæco carcere fœda loca.  
 Plangite vos pueri, quos verba blanda Magistri  
 Arctabant, vobis dogmata nulla patent.  
 660 Totius Cleri simul hinc plangat gradus omnis,  
 Quod premit immerito dira catena pios.  
 Atque Ministri plangent, omnes, ecce Minister  
 Clausus et indigno carcere namque jacet  
 Et doleat Princeps, famulus suus est quia vinctus,  
 665 Et sua tota domus dispositore caret.  
 Aeditui plangent, est clausus namque sacrista,  
 Qui solitus fuerat claudere templa Dei.  
 Vindictam poscant sancti Domini, quia clausos  
 Ipsorum Servos fortia vincla tenent.  
 670 Ulciscatur idem Dominus, qui cuncta gubernat:  
 Sacro Ministerio nam sua templa carent.

## §. 24.

- Post bis quinque dies precibus Thuringus ademptus  
 Est vinclis duris, atque solutus abit. 1)  
 Hinc ad cenobium nostrum lætus remeavit,  
 675 Atque statum nostrum tunc reseravit ibi.

---

1) Den 21 Jänner, am Feste St. Meinrad.

- Hinc post hebdomadas senas nova causa dolorum  
 Nobis exoritur, pectora nostra premens.  
 Nam duo tolluntur de nobis, ut crucientur  
 Pœna majori, compedibusque feris.
- 680 Hi sunt, ecce, Minister et Aedituus, simul illos  
 Ubi Schülhart recipit, ducit et inde domum.  
 Frigida tunc glacies penetravit viscera nostra,  
 Et lacrymæ, gemitu præpediente, scatent.  
 His cibus est durus, tenuis panis sine vino,
- 685 Temporibus brevibus quod maceravit eos.  
 Septimus inde dies <sup>1)</sup> per spem mentem relevavit,  
 Nobis legatum mittere namque datur,  
 Qui tractaret quod de vinclis erueremur,  
 Et nobis miseris ferre pararet opem.
- 690 Elegimus de nobis virum satis meliorem  
 Ac habilem cunctis, moribus, ore simul,  
 Scilicet Ru. de Winunburg, probitate columnam  
 Nostri Cenobij, qui rogatus abit.  
 Fundimus inde preces Domino persupplici corde,
- 695 Jpsum, quod cuncta prosperitate regat.  
 Quindenaque die tunc ad nos ille fidelis  
 Legatus rediit, gaudia multa ferens.  
 Hic secum comites R. Etiswile tenebat,  
 H. de *Turre* <sup>2)</sup> simul, mente fideque pios.

## §. 25.

- 700 Terna luce dehinc <sup>3)</sup> plebem dux convocat omnem  
 Illius vallis; hi sua jussa ferunt:  
 His legatus adest noster, Comitesque sui, qui  
 Contulerant illis nuncia missa sibi.  
 Namque preces Comites de Tokunburg, simul Habspurg,

---

<sup>1)</sup> Am 10 März.

<sup>2)</sup> Heinrich vom Thurme. S. Kopp: „Archiv“ a. a. D. und Geschichtsfrd.  
 II. 1. 352. Anm. 2. Quindena die, d. h. den 25 März.

<sup>3)</sup> Den 28 März.



- 705 Pro nobis mittunt, litterulasque suas. <sup>1)</sup>  
 His intellectis nos inde vocamur ad ipsos,  
 Et fixis pactis, vincula nostra fluunt.  
 Nam pactum fuerat prædictorum Comitum, si  
 Supplicibus precibus littera scripta foret,  
 710 Pro nobis redimendis, tunc de carcere mitti  
 Nos deberemus, quæ rata pacta manent.  
 Crastina lux <sup>2)</sup> intrat iterum Plebanus, ad escas  
 Invitare suas quærit, ut ante diu.  
 Illo namque die feria sexta revolutæ  
 715 Bis sex hebdomadæ sunt, quibus una deest,  
 Quod nobis idem Plebanus vir reverendus  
 Tunc mæstis epulas præbuit æde sua;  
 Nunc autem lætis non cessat fercula larga  
 Largiri nobis, confluitante mero.  
 720 His epulis potusque dulcis liquore repleti,  
 Ad Dominum nostrum cæpimus ire citi.  
 Ante diem Palmarum prima luce Johannes

---

1) Der Brief des Grafen Rudolf von Habsburg ist aus Raperswile, der des Grafen Friedrich von Toggenburg aus Lichtensteig, beide vom 12 März datirt. Der Graf von Habsburg bittet noch insbesondere um Loslassung des Meisters Rudolfs des Schulmeisters, der ihm von Eigenschaft zugehöre. Es mag auffallen, daß ein anderer Bittbrief des Freiherrn Lütold von Regensberg, gegeben auf Balb, den 11 März, und noch ein weiterer ähnlicher des Freiherrn Ulrich von Güttingen, (Güttingen, den 3 Mai) der auf das Gesuch seiner Oheime Rudolf und Heinrich von Wunnaburg geschrieben hatte, hier nicht erwähnt sind. Diese Briefe befinden sich im Archiv von Schwyz, und sind gedruckt bei Eschudi, jedoch fehlerhaft, am schlechtesten der von Güttingen, den dagegen sehr genau Kopp im „Archiv für Kunde u. s. f.“ Anhang S. 202. mittheilt. Vergleiche „Regesten von Einsiedeln“ Nro. 188. 189. 190. 192. Das Siegel hängt nur noch an dem Briefe von Toggenburg. Den Inhalt übergeben wir hier, und bemerken nur, daß sämtliche Bittschreiben der Hauptsache nach übereinstimmen und auch das Versprechen enthalten, „wegen dieser Gefängniß Schwyz niemert enhein Leit „ze gethun an Lütten noch an Lande, mit ratte, mit frumde noch mit „helfe.“

2) Am 29 März.

Abbas Princeps nos suscipit atque tenet. <sup>1)</sup>  
 Huic erumpebant lacrymæ præ lætitia, nam  
 725 Nobis condoluit ipse dolore gravi.  
 In signum mœroris depulsi Pater iste  
 Egregius fieri fercula lata jubet;  
 Cum quibus nos reficit, super hoc dat pocula larga.  
 Sic cum lætitia labitur iste dies.

## §. 26.

730 Decurso stadio tetigi metam pede lasso,  
 Inde suum cursum sistat anhelus equus.  
 Vos elegi vestris pedibus claudis, ego nuper  
 Compator, requiem sumite, tempus adest.  
 Non favor appetitur, hic est jactantia nulla,  
 735 Non tropus aptatur, scema recedit abhinc.  
 Ipsa Metaphora, quæ rerum translatio fertur,  
 Desit ab hoc opere, quo nisi pura manent.  
 Periphrasis desit, quæ res polit, atque decorat,  
 Nam velut est gesta res, ita nuda patet.

1) Palmabend war der 30 März. Der Abt war damals wahrscheinlich noch in Pseffinkon, wenigstens ist eine Urkunde im Archiv Eschenbach von ihm gegeben: „Ze Pseffinkon an dem ersten Tage ingenden Abreellen 1314.“ (Geschftro. VII. 174.) Mit dieser Rückkehr der Gefangenen war aber freilich der Streit noch nicht beendet. Kopp bemerkt richtig: „Durch die Schreiben der Grafen und Freien . . . wurden die Landleute als Beleidiger gegen ihre persönliche Rache allerdings geschützt, aber damit war der am Gotteshaufe begangene Frevel keineswegs gesühnt, und die Rechtsache des Landes gegenüber dem Kloster hatte sich nicht im geringsten gebessert.“ Und in der Anm. S. 77. a. a. D. „Regensburg, Habsburg und Toggenburg erklären in ihren Schreiben . . . daß sie „verkliesen“ wollen, was ihnen durch die Gefangennahme zu Leid und Ungemach geschehen sei; sie also sind die Beleidigten und nicht die Schwyzer; und gewiß; wäre eine Gewaltthat der Conventherren vorausgegangen (wie Tschudi die Sache dreht, der hinwieder in seinem Ausmalen Müller im Klosterüberalle keine Gewaltthat der Landleute sieht,) diese hätten ohne Zweifel gebührende Genugthuung für die erlittene Unbill gefordert, und sich nicht mit der Verzeihung des von ihnen verübten Frevels begnügt.“ (Archiv u. s. w. S. 77.)

- 740 Desit Hyperbole, consuescens transcendere verum;  
 Hic quoniam sola vera patere solent.  
 Verborum seriem quæ turbat Hyperbaton absit,  
 Hic quia monstrantur ordine quæque brevi.  
 Nullus rhetoricus color hic sibi carmine sedem
- 745 Poscit, nam pingi nulla decora solent.  
 Ne, si depicta fuerint, oblita manerent  
 Omnia quæ falsis oblita vera forent.  
 Hic nihil est fictum, quare velamine nullo  
 Indiget hoc carmen, pallia nulla ferens.
- 750 Ut res est gesta, sic scripsi, sicque legatur,  
 Sic recolatur, sic permaneatque simul.  
 Si quem perspicere non lippum carmina nostra  
 Contingat, faveat, supplici voce precor;  
 Nec ruget nares, si quid lateat vitiosum,
- 755 Sed sua defendat, ut decet, arte manus.  
 Et si livor edax quæ rodit clara, placere  
 Non sinat; Abba Johann, tu tamen ipsa fove  
 Carmina, quæ scripsi, tua sunt, mea non; Tibi scripsi,  
 O Princeps! ideo sume favore bono.

---

Explicit capella Heremitana Anno Domini MCCCCXliij pro-  
 xima die post dedicationem ipsius Ecclesiæ.

